



АЗМУ ШИЖОАТЛИ ЁШЛАРИМИЗ — ЯНГИ ЎЗБЕКИСТОН БУНЁДКОРЛАРИДИР



ШИЖОАТЛИ ВА БИЛИМЛИ ЁШЛАР — КЕЛАЖАК ПОЙДЕВОРИ

30 июнь — Ёшлар куни. Янги Ўзбекистонда келажагимиз бунёдкорлари бўлмиш ёш авлодни қўллаб-қувватлаш мақсадида эълон қилинган шукуҳли байрам.

Бундан роппа-роса беш йил муқаддам Президент Шавкат Мирзиёев ёшлар ҳаракати қурултойида қатнашиб, 30 июнь санасини мамлакатимизда Ёшлар куни, деб эълон қилишни таклиф этган эди. Шундан буён ушбу сана юртимизда катта байрам сифатида нишонлаб келинмоқда.

Ўзбекистон Республикаси Президенти Шавкат Мирзиёев 30 июнь — Ёшлар куни муносабати билан “Янги Ўзбекистон” боғида ташкил этилган байрамга ташриф буюрди.

Бу ерда Амир Темур, Мирзо Улуғбек, Ал-Хоразмий, Алишер Навоий, Заҳириддин Муҳаммад Бобур, Жалолиддин Мангуберди номидаги павильонлар ташкил этилган. Уларда ёшларнинг илм-фан, ижод, спорт ва санъат соҳаларида эришган ютуқлари ифодаланган.

Давлатимиз раҳбари ушбу кўргазмалар бўйлаб юриб, уларни кўздан кечирди. Ёшлар билан суҳбатлашди.

— Бугунги ёшларимизнинг билими, ҳаракатлари мени чексиз қувонтиради. Аспиди шундай бўлиши ҳам керак. Чунки танангизда буюк боболарнинг қони оқяпти. Тарихимиз ўттиз бир йиллик эмас, уч минг йиллик. Аждодларимиз иккита ренессансга асос солган. Энди биз Учинчи Ренессанс пойдеворида қурмоқчимиз. Кимга ишониб? Сизларга ишониб.

Энг катта заминимиз таълим, — деди Шавкат Мирзиёев.

Боғда Беш ташаббус олимпиадаси натижалари ҳам намойиш этилди. Маълумки, ушбу мусобақалар Ўзбекистон Президентининг шу йил 11 апрелдаги қарорига мувофиқ йўлга қўйилди. Унинг маҳалла, сектор, туман, шаҳар, вилоят ва республика босқичларида 6 миллиондан зиёд ўғил-қизлар қатнашди.

Қорақалпоғистон Республикасининг Бўзатов туманида бўлиб ўтган “Ёшлар овози” танлови санъат йўналишларидаги истеъдодларни кашф этди. Президентимиз ушбу танлов ғолиблари билан суҳбатлашиб, уларга муваффақият тилади.

Мамлакатимизда ёшлар сиёсатида устувор аҳамият қаратилмоқда. Бу борада алоҳида давлат ташкилоти — Ёшлар ишлари агентлиги ташкил этилган. Жорий йилдан маҳаллаларда 9 минг 500 нафар ёшлар етакчиси фаолият бошлади.

▶ Давоми 2-бетда

ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ ЁШЛАР КУНИГА БАҒИШЛАНГАН ТАНТАНАЛИ МАРОСИМДАГИ НУТҚИ

Қадри ёшлар, азиз фарзандларим! Аввало, барча Янги Ўзбекистон ёшларини бугунги кутлуг байрам — Ёшлар куни билан чин қалбимдан муборакбод этаман.

Албатта, сизлар билан учрашиш, кўнглингиздаги эзгу орзу ва режаларингиз билан ўртоқлашиш, таклиф ва ташаббусларингиз ҳақида эшитиш менга доимо қувонч ва ғурур бағишлайди.

Сизларнинг шижоат ва интилишингизни кўриб, ёниб турган кўзларингизга боқиб, ўзимга битмас-туганмас куч оламан.

Хозиргина Президент ва ижод мактаблари ўқувчилари, Янги Ўзбекистон университети талабалари, ёш олим ва ижодкорлар, IT дастурчилар, спортчи ва тадбиркорлар билан мулоқот қилдим. Бугунги ёшларимизнинг салоҳияти, дунёқараши, билдирган таклиф ва

ташаббуслари, мустақил фикрлаши, келажак ва Ватан ҳақида, ўзининг жамиятдаги ўрни ва масъулияти ҳақидаги қарашлари барча ота-оналар, устоз-мураббийлар қаторида мени ҳам чексиз қувонтиради.

Азиз фарзандларим! Дунёдаги мураккаб вазиятни ўзингиз кўриб турибсиз. Ҳар куни янги хавф-хатарлар ва ташвишларга дуч келяпмиз. Бундай вазиятларда халқимизнинг иродаси ва матонатига таяниб, Ўзбекистоннинг миллий манфаатларига жавоб берадиган ягона тўғри йўлни топиш учун биргаликда интилимқодамиз.

Меҳнаткаш ва бағрикенг, олижаноб халқимиз, сиздек билимли, фаол ва шижоатли ўғил-қизларим бор экан, биз ҳар қандай қийинчиликларни албатта енгиб ўтамыз.

Ҳурматли ёшлар!

Хабарингиз бор, биз мамлакатимизда ёшлар билан ишлаш бўйича мутлақо янги тизим яратдик. Маҳаллаларда 9,5 минг ёшлар етакчилари ўз фаолиятини бошлади.

Хозирга қадар “Ёшлар дафтари”га киритилган 700 мингдан ортиқ йигит-қизларнинг муаммоларини ҳал этишга 650 миллиард сўм йўналтирилди.

Ёшлар тадбиркорлигини қўллаб-қувватлаш ва бандлигини таъминлаш устувор йўналишга айланди. Сўнгги икки йилда 174 минг нафар ёшнинг тадбиркорлик лойиҳалари учун 4 триллион 400 миллиард сўм имтиёзли кредитлар йўналтирилди.

Деҳқончилик билан шуғулланиш истагида бўлган 560 минг тендошингизга жорий йилда 155 минг гектар ер майдони ажратилиб, 800 мингдан ортиқ янги иш ўринлари яратилди.

Шунингдек, ёшларни ишга олган тадбиркорлар-

га ижтимоий солиқ суммасини қайтариш тартиби жорий этилди ва бу имкониятдан 715 минг нафар ёшлар ишлаётган 7,5 минг корхона фойдаланди.

Албатта, таълим сифатини ошириш бўйича ҳам катта-катта қадамлар қўйилмоқда. Бу борада Янги Ўзбекистоннинг янги мактаблари — Президент, ижод ва ихтисослашган мактаблар кўлами кенгайиб, уларда таҳсил олаётган ўқувчилар юқори натижаларга эришмоқда.

Ўтган ўқув йилида биргина Президент мактабларини битирган 424 нафар ўғил-қизларнинг барчаси олий таълим муассасаларига қабул қилинди. Уларнинг 102 нафари ёки 24 фоизи хориждаги етакчи олий таълим муассасаларида ўқиётгани таҳсинга сазовордир.

Сўнгги икки йилда 400 нафар ёшларимиз “Эл-юрт умиди” жамғармаси орқали чет эллардаги энг нуфузли олийгоҳларда ўқишга юборилди.

Мисол учун, тошкентлик Ламия Худоёрова — Оксфорд университетига, бухоролик Расулбек Баҳодиров — Лондон университетига, самарқандлик Нилуфархон Рўзиева — Чикаго университетига ўқишга қабул қилинди. Бундай йигит-қизлар ҳар бир вилоятда кўплаб топилади.

Иқтидорли ёшларимиз кейинги бир йил ичида халқро фан олимпиадаларида 255 та медални кўлга киритди.

Шу билан бирга, жорий йилда 382 нафар спортчи ёшларимиз нуфузли халқаро мусобақаларда 419 та совринли ўринларни эгаллади. Жумладан, Нодирбек Абдусатторов ва Умида Омонова — тезкор шахмат бўйича; Зухриддин Қодилов — қилич-бозлик бўйича жаҳон чемпиони бўлгани; 23 ёшгача футболчиларимиз Осиё чемпионатининг кумуш медалини кўлга киритгани, шубҳасиз, бутун халқимизга ғурур бағишлади.

▶ Давоми 2-бетда

ИНСОН ҚАДРИ УЧУН

ОРЗУЛАРГА ҚАНОТ БЎЛГАН ЖАВОБ МАКТУБЛАРИ



Болалар эртанги кун умиди, авлод давомчилари, келажагимиз ворислари. Уларга меҳр, эътибор ва ғамхўрлик кўрсатиш халқимизга хос эзгу фазилат. Айниқса, бетоб болалар ҳолидан хабар олиш, ота-оналарига умид бағишлаш, шифо топиб, соғлом ҳаётга қайтиши учун зарур барча шарт-шароитни яратишга бугун давлат сиёсати даражасида эътибор қаратилмоқда. Хусусан, Президентимизнинг пойтахтимиздаги Болалар гематологияси, онкологияси ва клиник иммунологияси марказида муолажа олаётган болалар билан бир неча бор учрашуви, уларнинг орзу-истаклари рўёби йўлида бор имкониятни сафарбар этиши каби эзгу амалларда ҳам бу ифода намён бўлмоқда.

▶ Давоми 5-бетда

МИННАТДОРЛИК



ВАТАНГА ХИЗМАТ, ФИДОЙИЛИК ДОИМ ҚАДРЛАНАДИ

Давлатимиз раҳбари куни кеча имзолаган ҳужжатларга асосан, Ёшлар куни муносабати билан янги Ўзбекистонни барпо этиш ва унинг халқаро нуфузини оширишга муносиб хисса қўшиб келаётган, юксак маънавиятли, мустақил фикрлайдиган, қатъий ҳаётий позиция, кенг дунёқараш ва юқори салоҳиятга эга, халқ манфаати ва юрт истиқболи учун масъулиятни ўз зиммасига олишга қодир бир ғуруҳ ёшлар тақдирланди. Қуйида мукофотланган ёшларнинг дил изҳори, миннатдорлиги эътиборингизга ҳавола этиляпти.

▶ 6-бетга қаранг.

